

## Der Ander Theil.

Vom Gebrauch obiger *problemata*  
in unterschiedlichen  
Künsten.

## I.

Vom Quadranten, Quadrat,  
Radio vnd Maßstab.

**I**n Quadrant vnd Quadrat sind auff dem andern Kupfferblat abgerissen/ daran ein jedes *latus præcisè* 2 Zoll lang/ in 120/ vnd also der Zoll in 60 Theil/ als ein solche Zahl darinne man die meiste Theilungen (nemlich in 2. 3. 4. 5. 6. 10. 12. 15. 20. 30. vnd mit leichten Brüchen auch 8 vnd 9 Theil) haben kan/ abgetheilt: also daß wann einer sonst etwas mit Zöllen abmisst/ er fast alle *subdivisiones* desselben/ vnd was vber einen Zoll hinüber/ vnd doch keinen ganzen Zoll trifft/ also haben kan/ wann er mit etnem Circul solche fleißig fasset/ vnd auff der basi des quadranten/ oder vntengerissenem Lineal (litera O) abmisst: alles auß Grund vnd zu besserer Erklärung *problematis V. vnd VI. des ersten Theils.*

Der Bogen des quadranten hat zween *limbos*.  
Der eussere ist in 18 Hauptheil (mit numeris 5.

10. 15.